

Naqqiut

Oqaaseqaatit 22. august 2018-imeersut taarserpai
(Inatsisip quleqataa aamma oqaaseqaatit kalaallisuuani § 30 siunnersuutip kalaallisuuani
allannguisimaneq malillugu iluarsineqarpoq)

Inatsisissatut siunnersuummut oqaaseqaatit

Nalinginnaasumik oqaaseqaatit

1. Aallarniut

1.1. Siunnersuummut pingaarnertut tunuliaqutaasoq

Nunatta Katersugaasiviata Allagaateqarfiatalu kissaatitut oqaatigisimavaa annertusisamik illersuiniarluni aqqissuussisoqarnissaa Avannaani aamma Tunup Avannaani nunani allanngutsaaliugaasuni, inatsisini periarfissaareersunit annertunerusumik. Sumiiffik Pinngortitamut Avatangiisinullu Naalakkersuisoqarfimmiit aamma Naalakkersuisut Siulittaasuata Naalakkersuisoqarfianiit tamanna pillugu inassutaasut tunuliaqutaralugit, tulliuuttuni Nuna Allanngutsaaliugaasoq, sumiiffik Biosfære-qarfiusoq Avannaarsuani Kangianilu inissisimasoq pineqarpoq. Tamanna tunngaveqarpoq nuna allanngutsaaliukkatut taagugarput nunarsuarminiuni allanngutsaaliugaanngimmat, kisiannili sumiiffiulluni biosfære-qarfiusoq.

Allannguutit inunnit pilersitaasunik kalaallinit aallaaveqartunik annissisinnaanermut piumasqaatinut tunngasuupput, taakkua qanoq nutaanngitsigineri apeqqutaatinnagit, Nunami allanngutsaaliugaasumi aamma sumiiffimmi Biosfære-qarfiusumi Avannaarsuani Kangianilu sumiiffinnullu immikkut toqqarneqartunut allanut tunngatillugu.

Ingammik eqqarsaatigalugit inuit pilersitaat kalaallinit aallaaveqartut allannguutissatut siunnersuutaavoq ataatsimut isigaluni piffissamik killiliineq 1945-mut aalajangiunneqassasoq, nassaat tigussaasut atugassarititaasunik immikkut ittunik kulturikkullu sunniutaasunik ersersitsisut qularnaarumallugit, inuiaqatigiinni kalaallini immikkuullarissuusut sorsunnersuit appaat tikillugu.

Nunami allanngutsaaliugaasumi, Biosfære-qarfiusumi Avannaarsuani Kangianilu ingerlatsisoqarnikummat piniartoqarfinnik nunanit allamiunit ingerlanneqartunit, tamatumani Norge-miit, nutaanerusunik tigussaasunik aamma inooriaatsinik nassaassaqarfiusinnaavoq, avatangiisinut naleqqussartunik. Assersuutigalugu tassaasinnaapput teriannianut pullatit, nannunut pullatit kiisalu atortussat assigiinngitsut piniartoqarfiit eqqaanniittut, atortorineqarsimasullu 1960-ikkut angullugit. Tamakkualu suliarineqarneri atorneqarsimanerilu Kalaallit Nunaanni namminerme pisarsimmamata, taamaattut ukiui apeqqutaatinnagit Kalaallit Nunaanni eriagisassatut isigineqarsinnaapput.

Tamatuma saniatigut KANUKOKA ulloq 31. juli 2018 atorunnaartussaavoq, taamaattumillu pissusissamisoortinneqarpoq kattuffik toqqaasussaataasooq inatsimmi § 20, imm. 1, nr. 4-mi allanngortissallugu, maanna inatsisaasuni KANUKOKA, kommunit ataatsimoortumik toqqaasarnerannik taarserlugu.

Kiisalu pissusissamisoortinneqarsimavoq Katersugaasiveqarnermut Ataatsimiititaliap sulineranut killiliussat annertusineqarnissaat ersarissarneqarnissaallu.

1.2. Inatsisissatut siunnersuummi aallaaviusut pingaarnerit

Kalaallit Nunaata avannaarsuani kangianilu Nuna Allanngutsaaliugassatut Immikkoortitaq pillugu Namminersornerullutik Oqartussat nalunaarutaata nr. 7, 17. juni 1992-imeersup nutarterneqarneranut atatillugu taamani Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfiup taamani Namminiilivinnermut, Pinngortitamut, Avatangiisinut Nunalerinermullu Naalakkersuisoqarfiusumut nalunaarummut pineqartumut akisussaasuusooq nalunaarfigisimavaa pissusissamisuussasooq ersarissunik inatsisitigut tunngavissanik pilersitsisoqarnissaa nunami kulturikkut eriagisassanut aamma katersugaasiveqarnermi suliaasaqarfirmut atatillugu malittarisassiornissami tunngavissanik pilersitsisoqarnissaa, taakkuninngalu aqutsineq siunissami kulturikkut eriagisassanut katersugaasiveqarnikkut inatsisiliornermut akisussaasumit isumagineqartariaqartoq.

Taamani Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfiup inatsisissamut siunnersuummut piareersaateqarnermut atatillugu Nunatta Katersugaasivia Allagaateqarfialu oqaloqatigisarsimavaa, tassanngaaniillu pingaarnertut ersersinneqarpoq kissaatigineqartoq Nuna Allanngutsaaliugaasooq, sumiiffik Biosfære-qarfiusooq Avannaarsuani Kangianilu inissisimasooq pineqartoq.

Nunatta Katersugaasiviata Allagaateqarfialu ilanngullugu kissaatitut oqaatigaa Nuna Allanngutsaaliugaasooq, sumiiffik Biosfære-qarfiusooq Avannaarsuani Kangianilu pineqartumut atatillugu pisariaqartoq piumasaqaateqartoqartalernissaa inuit pilersitaannik kalaallinit pinngortunik annissiniarnermi akuersissuteqartoqaaqqaartarnissaa, anninniarlugit kissaatigineqartut qanoq nutaanngitsigineri apeqqutaatinnagit.

Kiisalu aamma kissaatigineqarpoq malittarisassat pilersinneqartussat aamma atortinneqarsinnaanissaat sumiiffinni immikkut killilikkani, taakkua nunatut biosfære-qarfiusutut inissisimannikkaluarpataluunniit.

Tamatumalu saniatigut KANUKOKA 2018-ip upernaavani Namminersorlutik Oqartussanut saaffiginnippoq kissaatigalugulu inatsisit kattuffiup taaguutaani imallit allanngortinneqassasut, taamalu KANUKOKA-p pisinnaatitaaffii siumut sammisumik kommuninut nuunneqaqqullugit.

2. Siunnersuummi qulequttat pingaarnerit

a) Inatsisit maanna atuuttut

Inatsisit maanna atuuttut tassaapput Katersugaasiveqarneq pillugu Inatsisartut inatsisaat nr. 8, 3. juni 2015-imeersoq, aamma Kalaallit Nunaata avannaarsuani kangianilu Nuna Allanngutsaaliugassatut Immikkoortitaq pillugu Namminersornerullutik Oqartussat nalunaarutaat nr. 7, 17. juni 1992-imeersoq.

Inuit pilersitaannik tigussaasunik annisseqqusaannginnermut tunngatillugu malittarisassat inatsimmi kapitali 5-imi immikkoortumi Pissarsineq annissuinerlu nassaassaapput.

Inatsisartut inatsisaanni § 33-mi malittarisassanik aalajangersagaqarpoq qaqugukkut, kimit aamma suut tunngavigalugit akuersissuteqartoqarsinnaanersoq, inuit pilersitaannik aamma pilersitanik allanik § 26-imi immikkut pingaaruteqartutut nalilerneqartunik annissinissamut akuersissuteqartoqarsinnaanersoq eqqarsaatigalugu.

§ 33, imm. 1-imi aalajangerneqarpoq inuit pilersitaat kalaallinit aallaavillit 1945 sioqqullugu pilersinneqarsimasut, § 26-lu naapertorlugu immikkut naleqartutut isigineqartut anninneqarsinnaanngitsut Nunatta Katersugaasivianit Allagaateqarfianillu akuerineqanngitsumik.

§ 33, imm. 2-imi periarfissamik pilersitsisoqarpoq Nunatta Katersugaasiviata Allagaateqarfiatalu nalornissuteqartoqartillugu pigisanik nunatsinniit annisissallugit kissaatigineqartunik ukiuliisinnaaneranut.

Kiisalu aamma § 33, imm. 3-mi ammaassisoqarpoq annissinissamut akuersissummik piffissami killilikkami atuuttussamik nalunaaruteqartoqarsinnaaneranut.

Ilanngullugulu Kalaallit Nunaata avannaarsuani kangianilu Nuna Allanngutsaaliugassatut Immikkoortitaq pillugu Namminersornerullutik Oqartussat nalunaarutaanni nr. 7, 17. juni 1992-imeersumi § 18-imi aalajangigaavoq inerteqqutaasoq akuersissutitaqanngitsumik Kalaallit Nunaannit pigisanik tigussaasunik 1945 sioqqullugumeersunik annissinissaq, kalaallinit aallaaveqartunik imaluunniit immikkut pingaaruteqartunik kalaallit kulturikkut oqaluttuarisaanerata qaammarsaaviginissaanut. Tamanna atuuppoq nunami allanngutsaaliugaasumi qanoq pineqartup nutaanngitsiginera apeqqutaatinnagu, taamaattoq tak. nalunaarummi §17.

Nalunaarummi § 17, imm. 1-imi aalajangigaavoq nassaat sulluunniit eqqaassutissamut ersittumut attuumassuteqarpata taamaanngippalluunniit apeqqutaatinnagu nikisinneqassanngitsut.

Aalajangersakkap imm. 2-ani aalajangerneqarpoq tigussaasut taamaattoq nassarneqarsinnaasut, aarlerinaateqarpat taakkua tamakkiisumik imaluunniit ilaannakuusumik aserneqarsinnaanerata. Nassaarnermi pissutsit atuuttut peqqissaartumik uppernarsarneqassapput, aammalu uppernarsaatit nassaarlu tigussaasoq kingusinnerpaamik

nunami allanngutsaaliukkami angalareernermit qaammatip 1-ip qaangiutinnginnerani tunniunneqassallutik. Taamaattoq nassaamik sumiiffimmiit peersilluni tiguisimaneq Nunatta Katersugaasivianut Allagaateqarfianullu nunamit allanngutsaaliugaasumiit aallannginnermi nalunaarutigineqariissaaq.

Kiisalu Inatsisartut inatsisaanni § 20, imm. 1-imi aalajangersarneqarpoq Naalakkersuisut katersugaasiveqarnermut ataatsimiititaliamik pilersitsissasut 5-inik ilaasortaqluni sinniisussalimmik, taakkunanilu:

- 1) ilaasortaqlu ataaseq aamma sinniisussaq Nunatta Katersugaasivianit Allagaateqarfianillu toqqarneqartut,
- 2) ilaasortaqlu ataaseq sinniisussarlu Nunatsinni Katersugaasiviit Kattuffianniit, NUKAKA-mit, toqqarneqartut, katersugaasiviit akuerisaasut pisortaasa akornanniit,
- 3) ilaasortaqlu ataaseq sinniisussarlu Nunatsinni Katersugaasiviit Kattuffianniit, NUKAKA-mi katersugaasiviit akuerisaasut siulersuisuni ilaasortat akornanniit toqqakkat,
- 4) ilaasortaqlu ataaseq sinniisussarlu Kalaallit Nunaanni Kommuneqarfiit Kattuffianniit KANUKOKA-mit toqqarneqassapput, aamma
- 5) ilaasortaqlu ataaseq aamma sinniisussaq Ilisimatusarfimmit toqqarneqassallutik.

Inatsisartut inatsisaanni § 20, imm. 2-mi aalajangersarneqarpoq Katersugaasiveqarnermut Ataatsimiititaliami ilaasortat toqqarneqartartussaasut piffissamut ukiunik 4-nik sivilisussusilimmik, ullorsiuqtit ukiui malillugit, toqqarneqareersimasullu toqqarneqaaqqissinnaasut.

Inatsisartut inatsisaanni § 20, imm. 3-mi aalajangersarneqarpoq Katersugaasiveqarnermut Ataatsimiititaliami ilaasortat akunnerminni siulittaasumik aamma siulittaasup tullianik qinersisassasut.

Kiisalu aamma Inatsisartut inatsisaanni § 20, imm. 4-mi aalajangersarneqarpoq Katersugaasiveqarnermut Ataatsimiititaliap suleriaasissani nammineq aalajangersartassagaa.

b) Siunnersuut

Siunnersuummi § 1, nr. 7-itut aalajangersakkamik ilanngussisoqarpoq inuit pilersitaannik tigussaasunik kalaallinit aallaavilinnik Nunamit Allannngutsaaliugaasumit, sumiiffimmit Avannaarsuani Kangianilu Biosfære-qarfiusumit pisunik, qanoq nutaanngitsigineri apeqqutaatinnagit, nunatsinniit annissisoqarsinnaanngitsoq Nunatta Katersugaasivianit Allagaateqarfianillu akuersissutitaqanngitsumik.

Taaguut atorneqarpoq “Nuna Allannngutsaaliugaasoq, Avannaarsuani Kangianilu Biosfære-qarfiusoq”, sumiiffik tamanna pisortatigoortumik taaguuteqaraluartoq, tamatumani aamma nalunaarummi atuuttumi Nuna Allannngutsaaliugaasoq Avannaarsuani Kangianilu inissisimasoq pineqartoq, nunarsuarmiut malittarisassaata naapertorlugit sumiiffik Biosfære-qarfiusutut taaguuteqarluni immikkoortuuvoq.

Siunnersuummilu § 1, nr. 7-imi aamma piginnaatitsissummik peqarpoq, Naalakkersuisut erseqqinnerusunik aalajangersagaliorsinnaatillugit inuit pilersitaannik tigussaasunik kalaallinit aallaavilinnik Nunamit Allangutsaaliugaasumi, sumiiffimmit Avannaarsuani Kangianilu Biosfære-qarfiusumit pisunik, qanoq nutaanngitsigineri apeqqutaatinnagit, Nunatta Katersugaasivianit Allagaateqarfianillu akuersissutitaqanngitsumik nunatsinniit annissisoqarsinnaannginnera pillugu.

Aalajangersakkat eqqaaneqartut, malittarisassanik allannguinnermut inuit pilersitaannik, kalaallinit aallaavilinnik tigussaasunik, Nunami Allangutsaaliugaasumi, Biosfære-qarfiusumi Avannaarsuani Kangianilu piusunik annissisinaanermut tunngatillugu, kiisalu aamma sumiiffinnut allanut immikkut killilikkanut tunngatillugu, Nunatta Katersugaasivianik Allagaateqarfianillu kissaatinik naapigiaapput, Nunami Allangutsaaliugaasumi, Biosfære-qarfiusumi Avannaarsuani Kangianilu inissisimasumik illersuinnermut atatillugu malittarisassanik sakkortusisanik ingerlatitsiinnartoqarnissaanik, aamma sumiiffinnut allanut immikkut killilikkanut tunngatillugu sakkortusisanik malittarisassiortarnissamut tunngatillugu.

Siunnersuutip § 1, nr. 7-iata kingunerisaanik siunnersuummi § 1, nr. 6-imi kinguneqartitsisoqarpoq iluarsisummik Inatsisartut inatsisaanni § 33, imm. 1-imi, taamaasillunilu naggasiullugu innersuussisoqarluni siunnersuutigineqartumut § 33, imm. 4-mut nutaamut.

Nunatta Katersugaasiviani Allagaateqarfianillu tusarniaanermi tamanna pillugu akissutaasut tunuliaqutaralugit aamma siunnersuutip § 1, nr. 1-ia imaqarpoq erseqqissaammik, pigisanik tigussaasunik Danmarkimut nunanulluunniit allanut anninneqarsimasunik utertitsinissani pineqarsinnaasut kulturikkut pigisani sinneruttut, pinngortitamit katersani sinneruttut aamma tigussaasut § 26 naapertorlugu nalunaarsugaasimasut. Siunnersuut § 1, nr. 4-mi aamma ilaqarpoq erseqqissaanermik pinngortitap oqaluttuarisaanerani tigussaasut immikkut naleqarluartutut nalunaarsorneqarsinnaasunik, aammalu § 1, nr. 5-imi erseqqissaanermik pinngortitap oqaluttuarisaanerani tigussaasut immikkut qaqutigoortut aamma naleqartitat nassaartumit akissarsissutaasinnaasut.

Siunnersuutip § 1, nr. 2-ani aalajangersagaavoq Katersugaasiveqarnermut Ataatsimiititaliaq arlaannaannulluunniit atasuunngitsoq, aammalu tamatumunnga atatillugu erseqqissagaalluni Ataatsimiititaliap piginnaatitaaffii allanut tunniunneqarsinnaanngitsut.

Siunnersuutip § 1, nr. 2-atigut allanngortinneqarpoq Naalakkersuisut piginnaatitaanerat Katersugaasiveqarnermut Ataatsimiititaliamik pilersitsisussaaneermiit, inassuteqaatit tunngavigalugit ataatsimiititaliami ilaasortassanik toqqaanissamut ataatsimiititaliallu pilersinnissaanut. Siusinnerusukkullu ingerlatsiviit kattuffiillu toqqaasussaataitaasut ilutigisaanik allanngortinneqarput inassuteqaateqartartunngorlugit.

Tamatumalu saniatigut “Kalaallit Nunaanni Kommunit Kattuffiat, KANUKOKA” katersugaasiveqarnermut inatsimmi § 20, imm. 1, nr. 4-miit peerneqassaaq, taarserneqassallunilu “kommunit ataatsimoorlutik”. Taamaalilluni qularnaarneqassaaq kommunit tamarmiusut suli Katersugaasiveqarnermut Ataatsimiititaliami ilaasortassanik toqqaasarnermi akulerunneqartarnissaat. Imm. 4-tut nutaatut tamatuma saniatigut aalajangerneqarpoq kommunit ataatsimut inassuteqaateqarnissaminnik isumaqatigiissinnaanngippata, taava Naalackersuisut kommuninit inassutigineqartut akornanniit ilaasortassamik toqqaasassasut.

Kiisalu aamma aalajangersagaq allanngortinneqarpoq, sinniisussanillu toqqaasoqartarunnaarluni. Taamaaliortoqarpoq qularnaarumallugu Ataatsimiititaliap aalajangiisarnermini ataqatigiissumik ingerlatsisinnaassusia.

Inassuteqarsinnaatitaasut pillugit allannguinermit atatillugu siunnersuummi § 1, nr. 3-mi ikkunneqarpoq § 20 a, tassanilu imm. 1 aamma 2-mi aalajangersaasoqarluni piginnaasatigut piumasaqaatinik Ataatsimiititaliamut ataatsimut isigaluni, aammalu ilaasortanut ataasiakkaanut namminernut atatillugu. Taamaaliortoqarpoq qularnaarumallugu ataatsimiititaliap sukkulluunniit piginnaanernik pisariaqartinneqartunik peqartuaannarnissaa. Kiisalu aamma Kalaallit Nunaanni najugaqartuunissamut piumasaqaammik ilaasortanut piumasaqaammik ilanngussisoqarluni. Imm. 3 aamma 4-mi malittarisassat katersugaasiveqarnermut inatsimmi § 20, imm. 3 aamma 4-mi atuuttuusut ingerlateqqinneqarput, ataatsimiititaliap siulittaasoqarfia aamma suleriaasissaq pillugit.

Siunnersuutillu § 1, nr. 3-ani aamma ikkunneqarpoq § 20 b. imm. 1, aalajangersaasoq ataatsimiititaliap piffissaq atuuffigisassaa pillugu, katersugaasiveqarnermut inatsimmi § 20, imm. 2-mi oqaaseqatigiinni siullerni allassimasup assigisaa. Imm. 2-mi aalajangersarneqarpoq Ataatsimiititaliami ilaasortat toqqaqqinneqartarsinnaanerit. Tamanna ingerlatitseqqinneruvoq katersugaasiveqarnermut inatsimmi § 20, imm. 2, oqaaseqatigiit aappaannik. Kiisalu aamma imm. 3-mi erseqqissarneqarpoq qanoq periaaseqartoqartassanersoq ilaasortap tunuarneratigut. Kiisalu imm. 4-mi aalajangersarneqarpoq qaqugukkut ilaasortamik tunuartitsisoqarsinnaanersoq.

Kiisalu aamma siunnersuummi § 1, nr. 3-mi ikkunneqarpoq § 20 c. Tassani aalajangersarneqarpoq Katersugaasiveqarnermut Ataatsimiititaliami ilaasortat akissarsiaqartinneqartassasut kajumissaatisianik, Inatsisartuni Naalackersuisunilu il. il. ilaasortat aningaasarsiaqartitaanerit il. il. pillugit Inatsisartut inatsisissaanni kapitali 7 naapertorlugu. Tamanna malinneqareersunik periaatsinik pissusissamisoortutut isigalugu inatsisinut ilanngussineruvoq.

Allannguutissatut siunnersuutaasut kingunerisaannik siunnersuutigineqarpoq pineqaatissiisutunik kinguneqartitsisinnaaneq pillugu aalajangersakkani aamma allannguisoqassasoq.

Siunnersuut inatsimmut atuuttumut sanilliullugu	
<i>Oqaasertaasut maanna atuuttut</i>	<i>Siunnersuut</i>
	§ 1 Katersugaasiveqarneq pillugu Inatsisartut inatsisaanni nr. 8, 3. juni 2015-imeersumi imaattunik allannguuteqartitsisoqassaaq:
<p>§ 12. Nunatta Katersugaasivia Allagaateqarfialu nunat tamat katersugaasiveqarnikkut suleqatigiinneranni Kalaallit Nunaanni katersugaasiviit sinnerlugit peqataasassaaq.</p> <p><i>Imm. 2.</i> Piorsarsimassutsikkut oqaluttuarisaanermi itsarnisat Danmarkimut nunanulluunniit allanut anninneqarsimasut utertinneqarnissaat pillugu Nunatta Katersugaasivia Allagaateqarfialu Kalaallit Nunaanni katersugaasiviit sinnerlugit isumaqatigiinniuteqartuusassaaq.</p>	<p>1. § 12, <i>imm. 2</i> imatut oqaasertalerneqassaaq: ” <i>Imm. 2.</i> Nunatta Katersugaasivia Allagaateqarfialu kalaallit katersugaasivii sinnerlugit isumaqatigiinniartarpoq kulturikkut aamma pingortitamit itsarnisat aamma tigussaasut immikkut naleqartutut nalunaarsorneqarsimasut, tak. § 26, aamma Danmarkimut nunanulluunniit allanut anninneqarsimasut utertinneqarnissaat pillugit.”</p>
<p>§ 20. Katersugaasiveqarnermut Ataatsimiititaliaq tallimanik ilaasortalik, taakkunungalu sinniisussalik Naalakkersuisut pilersissavaat, taakkunangalu:</p> <p>1) ilaasortaq ataaseq sinniisussaalu Nunatta Katersugaasivianit Allagaateqarfianillu toqqagaassapput,</p> <p>2) ilaasortaq ataaseq sinniisussaalu katersugaasivinni akuerisaasuni pisortat akornanneersut Nunatsinni Katersugaasiviit Kattuffiannit, NUKAKA-mit toqqagaassapput,</p> <p>3) ilaasortaq ataaseq sinniisussaalu katersugaasivinni akuerisaasuni siulersuisut akornanneersut Sumiiffinni katersugaasiviit kattuffiannit, NUKAKA-mit toqqagaassapput,</p> <p>4) ilaasortaq ataaseq sinniisussaalu Kalaallit Nunaanni Kommunit Kattuffiannit, KANUKOKA-mit toqqagaassapput, aamma</p> <p>5) ilaasortaq ataaseq sinniisussaalu Iisimatusarfimmit toqqagaassapput.</p>	<p>2. § 20 imatut oqaasertalerneqassaaq: ” § 20. Naalakkersuisut arlaannaannulluunniit atasuunngitsumik Katersugaasiveqarnermut Ataatsimiititaliamik pilersitsissapput. Katersugaasiveqarnermut Ataatsimiititaliap piginnaatitaaffii tamakkiisumik ilaannakuusumilluunniit allanut tunniunneqarsinnaangillat.</p> <p><i>Imm. 2.</i> Katersugaasiveqarnermut Ataatsimiititaliaq 5-inik ilaasortaqarpoq, Naalakkersuisunit toqqarneqartartunik. Ilaasortat toqqarneqartarput ukunanga inassuteqartoqarnera tunngavigalugu:</p> <p>1) Nunatta Katersugaasivia Allagaateqarfialu.</p> <p>2) Nunatsinni Katersugaasiviit Kattuffiat, NUKAKA, katersugaasivinni akuerisaasuni pisortat akornanniit.</p> <p>3) Nunatsinni Katersugaasiviit Kattuffiat, NUKAKA, katersugaasivinni akuerisaasuni siulersuisuni ilaasortat akornanniit.</p> <p>4) Kommunit ataatsimoorlutik, taamaattoq</p>

<p><i>Imm. 2.</i> Katersugaasiveqarnermut Ataatsimiititaliami ilaasortat qaammatisiutit malillugit ukiuni sisamani atasussanngorlugit ivertinneqartassapput. Toqqagaaqqittoqarsinnaavoq.</p> <p><i>Imm. 3.</i> Katersugaasiveqarnermut ataatsimiititaliap suleriaasissani nammineq aalajangersartassavaa.</p> <p><i>Imm. 3.</i> Katersugaasiveqarnermut Ataatsimiititaliap siulittaasussani taassumalu tullissaa ilaasortami akornannit qinertassavai.</p>	<p>tak. imm. 3.</p> <p>5) Iisimatusarfik.</p> <p><i>Imm. 3.</i> Kattuffiit il.il. inassuteqartut, tak. imm. 2, tamarmik qinigassanik 2-nik inassuteqassapput.</p> <p><i>Imm. 4.</i> Kommunit ataatsimoorussamik inassuteqaateqarnissaminnik isumaqatigiissuteqarsinnaanngippata Naalakkersuisut kommuninit inassutigineqartut akornanniit ilaasortassamik toqqaassapput.</p>
	<p>3. § 20-ip kingorna ikkunneqassaaq: ” § 20 a. Katersugaasiveqarnermut Ataatsimiititaliap ataatsimoorluni sinniisuuffigissavai ilisimasat kulturikkut kingornussanut tigussaasunut aamma tigussaasuunngitsunut tunngasut, kiisalu pinngortitamut kulturikkullu kingornussanut tunngasut nunamut tamarmut sumiiffinnullu assigiinngitsunut attuumassuteqartut. Ilaasortat Kalaallit Nunaanni aalajangersimasumik najugaqartuussapput.</p> <p><i>Imm. 2.</i> Ilaasortat tamarmik ataasiakkaarlutik piginnaaneqarfeqassapput suliassaqarfimmu arlalinnulluunniit ataatsimiititaliap ataatsimut sinniisuuffigisaani, tak. imm. 1.</p> <p><i>Imm. 3.</i> Katersugaasiveqarnermut Ataatsimiititaliap siulittaasussani taassumalu tullissaa nammineq akunnerminni qinertarpaa.</p> <p><i>Imm. 4.</i> Katersugaasiveqarnermut Ataatsimiititaliap nammineq suleriaasissani aalajangersartarpaa.</p> <p>§ 20 b. Katersugaasiveqarnermut Ataatsimiititaliami ilaasortat toqqarneqartarput piffissamut ukiunik 4-nik sivilissusilikkaamik, siullermik piffissamut 1. januar 2020-miit 31. december 2023-mut.</p> <p><i>Imm. 2.</i> Ilaasortat</p>

	<p>toqqaqqinneqarsinnaapput.</p> <p><i>Imm. 3.</i> Ilaasortap piffissami toqqaagaaffigisamini tunuarneratigut imaluunniit tunuartinneqarneratigut Naalakkersuisut inassuteqartussaasut inassuteqareerneranni ilaasortassamik nutaamik toqqaasarput. Naalakkersuisut toqqaasarnerminni isiginiartassavaat katersugaasiveqarnermi ataatsimiititaliap ingerlaavartumik piumasaqaataasunik § 20 a, imm. 1 aamma 2-mi aalajangersakkanik eqquutitsisarnissaat. Ilaasortaq nutaaq qinigaaffiup ukiunik 4-nik sivisussuseqartup sinnerani atuutissaq.</p> <p><i>Imm. 4.</i> Naalakkersuisut ilaasortamik ilaasortaajunnaarsitsisinnaapput ilaasortaq pineqartoq ilatsiinnarpallaarpaat suliassaminik isumaginninnissaminut allatut piukkunnarunnaarsimappat.</p> <p>§ 20 c. Katersugaasiveqarnermut Ataatsimiititaliami ilaasortat Inatsisartuni Naalakkersuisunilu il.il. ilaasortat aningaasarsiaqartitaanerat il.il pillugit Inatsisartut inatsisaanni kapitali 7 naapertorlugu aningaasarsiaqartinneqassapput.”</p>
<p>§ 26. Nassaat §§-ini 24-mi 25-milu pineqartunut ilaatinneqanngitsut, kalaallili piorsarsimassutsikkut oqaluttuarisaanerisa ilaannik pingaaruteqartunik takussutissiisut Nunatta Katersugaasivianit Allagaateqarfianillu immikkut soqutiginaateqartutut isigalugit nalilerneqarsinnaapput.</p>	<p>4. § 26 imatut oqaasertalerneqassaaq: ” § 26. Tigussaasut §§-ini 24-25-imi ilaannigitsut, kisianni kalaallini kulturikkut imaluunniit pinngortitap oqaluttuarisaanerani ersersitsisut, Nunatta Katersugaasivianit Allagaateqarfianilli nalunaarsorneqarsinnaapput immikkut naleqartutut.”</p>
<p>§ 30. Qaqutigoorluinnartunik piorsarsimassutsikkullu oqaluttuarisaanermut pingaaruteqarluinnartunik nassaartoqartillugu Naalakkersuisut nassaartoq, Nunatta Katersugaasiviata Allagaateqarfiatalu</p>	<p>5. § 30 imatut oqaasertalerneqassaaq: ” § 30. Qaqutigoortunut kulturikkut pinngortitamilu oqaluttuarisaanermut tunngassutilinnik nassaanut nalilinnik Naalakkersuisut Nunatta Katersugaasiviata</p>

<p>oqaaseqaateqareerneratigut akissarsitissinnaavaat.</p>	<p>Allagaateqarfiatalu oqaaseqaateqareernerani nassaartumut akissarsisitsisoqarsinnaavoq.”</p>
<p>§ 33. Nassaat kalaallinit suliarineqarsimasut 1945-p siornaneersut, nassaallu § 26 tunngavigalugu immikkut soqutiginaateqartut nalilerneqarsimasut Nunatta Katersugaasivia Allagaateqarfialu akuersiseqqaartinnagu nunanut allanut anninneqarsinnaanngillat.</p> <p><i>Imm. 2.</i> Nassaat nunanut allanut annisissallugit kissaatigineqartut pisoqaassusii nalornisoornartoqartillugit Nunatta Katersugaasivianit Allagaateqarfianillu paasiniarneqartassapput.</p> <p><i>Imm. 3.</i> Pisuni immikkut ittuni piffissami aalajangersimasumik sivilissusilikkami annissinermut akuersissutip atuunnissaa nalunaarutigineqarsinnaavoq.</p>	<p>6. § 33, <i>imm. 1</i> imatut oqaasertalerneqassaaq: ” Inuit pilersitaat tigussaasut kalaallinit aallaavillit 1945 sioqqullugumeersut, aamma tigussaasut § 26 naapertorlugu immikkut naleqarnerusutut nalilerneqartut, nunamiit aallarunneqaqqusaanngillat Nunatta Katersugaasivianit Toqqorsivianillu akuersissutitaqanngitsumik, taamaattoq tak. <i>imm. 4.</i>”</p>
<p>§ 33. Nassaat kalaallinit suliarineqarsimasut 1945-p siornaneersut, nassaallu § 26 tunngavigalugu immikkut soqutiginaateqartut nalilerneqarsimasut Nunatta Katersugaasivia Allagaateqarfialu akuersiseqqaartinnagu nunanut allanut anninneqarsinnaanngillat.</p> <p><i>Imm. 2.</i> Nassaat nunanut allanut annisissallugit kissaatigineqartut pisoqaassusii nalornisoornartoqartillugit Nunatta Katersugaasivianit Allagaateqarfianillu paasiniarneqartassapput.</p> <p><i>Imm. 3.</i> Pisuni immikkut ittuni piffissami aalajangersimasumik sivilissusilikkami annissinermut akuersissutip atuunnissaa nalunaarutigineqarsinnaavoq.</p>	<p>7. § 33-mi immikkoortut <i>nutaatut ikkunneqassapput imm. 3-p kingorna:</i> “ <i>Imm. 4.</i> Nunamit allanngutsaaliukkatut aalajangiussaasumiit, Nunatta Avannaarsuani Kangianilu Biosfære-qarfiusumiit qangarnisaaneri apeqqutaatinnagit nunatsinniit anniseqqusaanngillat, Nunatta Katersugaasivianit Allagaateqarfianillu akuersissutitaqanngitsumik.</p> <p><i>imm. 5.</i> Naalakkersuisut sumiiffinnut ersarinnerusunik killilikkanut tunngatillugu malittarisassiorsinnaapput, inuit pilersitaat tigussaasut kalaallinit aallaavillit, sumiiffinnillu ersarinnerusumik killilikkaneeersut, qangarnisaaneri apeqqutaatinnagit nunatsinniit anniseqqusaannginneri pillugit, Nunatta Katersugaasivianit Allagaateqarfianillu akuersissutitaqanngitsumik.”</p>
<p>§ 38. § 27, <i>imm. 3-mik 4-millu</i>, § 28, <i>imm. 1-imik</i>, § 28, <i>imm. 2-mi</i> oqaaseqatigiinnik siullernik, § 28, <i>imm. 3-mi</i> oqaaseqatigiinnik siullernik tulliinillu, § 28, <i>imm. 4-mik</i>, § 29, <i>imm. 2</i>, oqaaseqatigiit</p>	<p>8. § 38, imatut oqaasertalerneqassaaq: ” Unioqutitsinerni § 27, <i>imm. 3</i> aamma 4, § 28, <i>imm. 1</i>, § 28, <i>imm. 2</i>, oqaaseqatigiit siulliit, § 28, <i>imm. 3</i>, 1. aamma oqaaseqatigiit aappaat, § 28, <i>imm. 4</i>, § 29,</p>

<p>siulliannik, § 32-mik aamma § 33, imm. 1- imik unioqquitsineq akiliisitsissutaasinnaavoq. <i>Imm. 2.</i> Aalajangersakkanik unioqquitsisoqartillugu akiliisitsisarnissaq pillugu maleruagassat maleruagqusani Inatsisartut inatsisaat naapertorlugu atuutilersinneqartuni aalajangersarneqarsinnaapput. <i>Imm. 3.</i> Akiliisitsinissaq Inatsisartut inatsisaatigut maleruagqusanuunniit Inatsisartut inatsisaat naapertorlugu atuutilersinneqartutigut tunngavissaqarpat, inatsisit naapertorlugit inatsisitigut pisussaatitaasoq Kalaallit Nunaanni pinerluttulerinermik inatsimmi maleruagassat naapertorlugit akiliisitsissummik akileeqquneqarsinnaavoq. <i>Imm. 4.</i> Akiliisitsissut nunatta karsiata pisassaraa.</p>	<p>imm. 2, oqaaseqatigiit siulliit, § 32 aamma § 33, imm. 1 aamma 4-mik, pineqaatissiisoqarsinnaavoq akiliisitsinikkut Kalaallit Nunaannut pinerluttulerinermut inatsimmi aalajangersakkat naapertorlugit. <i>Imm. 2.</i> Maleruagassanut aalajangersarneqarsimasunut § 10, imm. 3, § 31 aamma § 33, imm. 5 naapertorlugit pineqaatissiissuteqartoqarsinnaavoq akiliisitsinikkut, Kalaallit Nunaanni pinerluttulerinermut inatsit naapertorlugu. <i>Imm. 3.</i> Inatsisartut inatsisaat imaluunniit malittarisassat Inatsisartut inatsisaat tunngavigalugu suliaasut kingunerisaannik akiliisitsisoqarsinnaaneramik aalajangersaasoqarsimatillugu akiliisitsissutissat inatsisit naapertorlugit inummut pisussaaffiliunneqarsinnaavoq, Kalaallit Nunaanni pinerluttulerinermut inatsit naapertorlugu. <i>Imm. 4.</i> Akiliisitsissutit imm. 1-3 naapertorlugu aalajangerneqartut nunatta karsianut akilerneqartassapput.”</p>
	<p style="text-align: center;">§ 2</p> <p>Inatsisartut inatsisaat atortuulerpoq 1. januar 2019. <i>Imm. 2.</i> § 1, nr. 2 aamma 3 atortuulissapput 1. januar 2020.</p>

3. Aningaasaqarnikkut allaffissornikkullu pisortanut kingunerisassai

Naatsorsuutigineqanngilaq siunnersuut aningaasatigut allaffissornikkullu pisortanut kinguneqassasoq.

4. Inuussutissarsiortunut aningaasaqarnikkut allaffissornikkullu kingunerisassai

Naatsorsuutigineqanngilaq siunnersuut aningaasaqarnikkut allaffissornikkullu inuussutissarsiortunut kinguneqassasoq.

5. Avatangiisinut, pinngortitamut innuttaasullu peqqissusiannut sunniutaasussat

Naatsorsuutigineqanngilaq siunnersuut avatangiisinut, pinngortitamut innuttaasullu peqqissusiannut sunniuteqartussatut.

6. Innuttaasunut kingunerisassai

Siunnersuut innuttaasunut kinguneqartussatut naatsorsuutigineqanngilaq.

7. Allatigut pingaarutilinnik kingunerisassai

Siunnersuut naatsorsuutigineqanngilaq allatigut pingaaruteqartunik kinguneqartussatut.

8. Pisortanik aamma kattuffinnik il.il. tusarniaaneq

Siunnersuut piffissami 6. november - 11. december 2017 Naalakkersuisut tusarniaasarnermut quppersagaanni tamanut takusassiarineqarsimavoq, aammalu tusarniagassatut illuatungiusunut ukununnga nassiunneqarsimalluni:

Naalakkersuisut Siulittaasuata Naalakkersuisoqarfia, Peqqissutsimut Naalakkersuisoqarfik, Aningaasaqarnermut Akileraartarnermullu Naalakkersuisoqarfik, Aatsitassanut Ikummatissanullu Naalakkersuisoqarfik, Aalisarnermut Piniarnermullu Naalakkersuisoqarfik, Inuussutissarsiornermut, Suliffeqarnermut, Niuernermit Nukissiuuteqarnermullu Naalakkersuisoqarfik, Namminersornermut, Nunanut Allanut Nunalerinermullu Naalakkersuisoqarfik, Isumaginninnermut, Ilaqutariinnermut, Naligiissitaanermit Inatsisinillu Atortitsinermit Naalakkersuisoqarfik, Pinngortitamut Avatangiisinullu Naalakkersuisoqarfik, Kommunit, Nunaqarfinnut, Isorliunersunut, Attaveqaqatigiinnermut Ineqarnermullu Naalakkersuisoqarfik, Nunatta Katersugaasivia Allagaateqarfialu, NUKAKA, Katersugaasiveqarnermut Ataatsimiititaliaq, KANUKOKA, KANUNUPE, Qaasuitsup Kommunia, Qeqqata Kommunia, Kommuneqarfik Sermersooq, Kommune Kujalleq, Sulisitsisut, Biskoppeqarfik, NUSUKA, KNAPK, SIK, Ilisimatusarfik, Nunatta Atuagaateqarfia, NAPA, Katuaq aamma Taseralik.

Tusarniaanermut akissutisisoqarpoq Aatsitassanut Ikummatissanullu Naalakkersuisoqarfimmit, Aalisarnermut Piniarnermullu Naalakkersuisoqarfimmit, Ilisimatusarfik, Sulisitsisunit, Naalakkersuisut Siulittaasuata Naalakkersuisoqarfianit, Kommune Kujallermit, KANUKOKA-mit aamma Nunatta Katersugaasivianit Allagaateqarfianillu.

Tusarniaanermut akissutaasut taamaallaat ataasiakkaatigut siunnersuummi allannguissamut pissutissaqartitsisimapput kiisalu erseqqissaanissamut ilassusiinissamullu oqaaseqaatini. Oqaasertaliineq “nuna allanngutsaaliugassaq” allanngortinneqarpoq imaalillugu, “Nuna Allanngutsaaliugaasoq, Biosfære-qarfiusoq, Nunatta Avannaarsuani Kangianilu”.

Kiisalu aamma erseqqissaateqartoqarpoq Inatsisartut inatsisaanni § 12, imm. 2, §§ 26 aamma 30-imi. § 12, imm. 2-mi erseqqissarneqarpoq, aalajangersakkami ilaasut kulturikkut aamma pinngortitami itsarnitsat aamma tigussaasut immikkut naleqartutut nalunaarsugaasut, tak. § 26, aallarunneqarsimasullu Danmark-imut imaluunniit nunanut allanut. § 26-imi erseqqissarneqarpoq tigussaasut kalaallit pinngortitamik oqaluttuassartaannik pingaarutilinnik qaammarsaasut aamma nalunaarsorneqarsinnaasut immikkut naleqarluartutut. § 30-mi erseqqissarneqarpoq immikkut qaqutigoortunik imaluunniit pinngortitami

oqaluttuassartaqartunik naleqartunik nassaanut tunngatillugu nassaartumut akissarsisitsisoqarsinnaasoq.

Tamatumalu saniatigut siunnersuut allangortinneqartussatut siunnersuutigineqartut § 20-imi aamma § 20 a, b aamma c-mik ilanngussisoqarneratigut, tusarniaanerup siulliup kingornagut tusarniaassutigineqarsimalluni piffissami 11. juni – 6. juli 2018-imi, Naalakkersuisullu tusarniaasarnernut quppersagaanni tamanut takusassiarineqarsimalluni, ukunungalu tusarniaavigineqartartunut nassiunneqarluni tusarniaassutigalugu:

Naalakkersuisut Siulittaasuata Naalakkersuisoqarfia, Aningaasaqarnermut Naalakkersuisoqarfik, Inuussutissarsiornermut Nukissiuuteqarnermullu Naalakkersuisoqarfik, Aatsitassanut, Suliffeqarnermut Nunamullu Namminermt Naalakkersuisoqarfik, Nunanut Allanut Naalakkersuisoqarfik, Aalisarnermut, Piniarnermut Nunalerinnermullu Naalakkersuisoqarfik, Peqqissutsimut Ilisimatusarnermullu Naalakkersuisoqarfik, Isumaginninnermut Inatsisinillu Atuutsitsinermt Naalakkersuisoqarfik, Avannaata Kommunia, Qaasuitsup Kommunia, Qeqqata Kommunia, Kommuneqarfik Sermersooq, Kommune Kujalleq, Nunatta Katersugaasivia Allagaateqarfialu, NUKAKA, Katersugaasiveqarnermut Ataatsimiititaliaq, KANUNUPE, Sulisitsisut, Biskopeqarfik, NUSUKA, KNAPK, SIK, Ilisimatusarfik, Nunatta Atuagaateqarfia, NAPA, Katuaq aamma Taseralik.

Tusarniaanermit akissutinik tusarniaavigineqartunik ukunanga akissutisisoqarpoq: Naalakkersuisut Siulittaasuata Naalakkersuisoqarfia, Aningaasaqarnermut Naalakkersuisoqarfik, Peqqissutsimut Ilisimatusarnermullu Naalakkersuisoqarfik, Isumaginninnermt Inatsisinillu Atuutsitsinermt Naalakkersuisoqarfik, Biskopeqarfik, KNAPK aamma Kommune Kujalleq. Tusarniaarnermut akissutit siunnersuummi § 1, nr. 2-mi allannguinermt kinguneqarput, taamaalillunilu § 20, imm. 4-mi imm. 1-imut innersuussineq allangortinneqarpoq imm. 2-nngorlugu. Aammattaaq siunnersuummi § 2-mut oqaaseqaatit maanna katersugaasiveqarnermi ataatsimiititaliap atuuffiata allangortinneqannginnissaanut tunngasut erseqqissarneqarput, tamannalu aamma taamaalilluni ataatsimiititaliami ilaasortanut tamanut atuuttoq, ilaasortat KANUKOKA-mit toqqarneqartut ilanngullugit. Inatsisilerinnermi inaarutaasumik misissuinerup kinguneraa siunnersuummi § 1, nr. 7-ip erseqqissarneqarnera, taamaalilluni maanna erseqqissilluni, pineqartut tigussaassut nunap immikkoortuinit pineqartuneersut.

Tusarniaaneq siulleg

Nr.	Tusarniaavigineqartoq	Oqaaseqaatit	Oqaaseqaatit oqaaseqarfigineqarneri
1.	Aatsitassanut Ikummatissanullu Naalakkersuisoqarfik	Siunnersuummut oqaaseqaateqanngilaq.	Siunnersuummi allannguissamut tunngavissiiingilaq.
2.	Aalisarnermut	Siunnersuummut	Siunnersuummi

	Piniarnermullu Naalakkersuiso- qarfik	oqaaseqaateqanngilaq.	allannguinnessamut tunngavissiiingilaq.
3.	Ilisimatusarfik	Siunnersuummut oqaaseqaateqanngilaq.	Siunnersuummi allannguinnessamut tunngavissiiingilaq.
4.	Sulisitsisut	Siunnersuummut oqaaseqaateqanngilaq.	Siunnersuummi allannguinnessamut tunngavissiiingilaq.
5.1	Naalakkersuisut Siulittaasuata Naalakkersuiso- qarfia	Inassutigineqarpoq oqaatsinik atuineq iluarsaanneqassasoq inatsisissatut siunnersuummi oqaaseqaatinilu. Kalaallit Nunaanni nuna allanngutsaa- liugaasoq taamaattutut isigineqanngilaq, kisiannili nunatut immikkoortutut biosfære-qarfiusutut. Taamaattumillu nuna allanngutsaaliugaasoq aamma aqunneqarpoq UNESCO-mi program- mi taaguuteqartoq Man and Biosphere naapertorlugu. Kiisalu Nuna allanngutsaaliugaasoq IUCN-imi nunatut allanngutsaaliukkatut piumasaqaatinik naammassinnissinnaassanngilaq. Taaguutaasoq “nunatut allanngutsaaliukkatut inissisimasoq” pillugu erseqqissaatigineqarsinnaavoq Kalaallit Nunaata IUCN-imi sumiiffinnik illersugaasunik immikkoortiterineq malitarimmagu. Ersarinnerusumik takuuk IUCN-ip quppersagaa: https://www.iucn.org/theme/protected- areas/about/protected-area-categories.	Siunnersuummi allannguinnessamut tunngavissiiivoq. Pinngortitamut Avata- ngiisinullu Naalakkersui- soqarfik oqaloqatigereerlugu, nuna allanngutsaaliugaasoq taakkua suliassa qarfiannut atasuummat oqaasertaliineq “nunatut allanngutsaaliukkatut inissisimasoq” allanngortinneqarpoq imaalillugu, ”Nuna allanngutsaaliugaasutut, Biosfære-qarfiusutut inissisimasoq Nunatta Avannaarsuani Kangianilu” siunnersuummi aamma oqaaseqaatini.
5.2	Naalakkersuisut Siulittaasuata Naalakkersuiso- qarfia	Inatsisissatut siunnersuummut oqaaseqaatini innersuussisoqanngilaq “nalunaarummik atorunnaarsitsigaluttuarneq” pineqartoq pillugu.	Siunnersuummi allannguinnessamut pissutissaqartitsinngilaq, kisiannili siunnersuummut oqaaseqaatini

		Inatsisissatut siunnersuut tassungalu oqaaseqaatit inaarsarneqarsinnaapput nunamik allanngutsaaliugaasumik inatsisitigut aqutsineq allanngortinneqareerpat, imaluunniit tamatumunnga atanngitsumik. Oqaaseqatigiit atorineqartut tamatuma kingorna allanngortinneqassapput.	iluarsiisoqassalluni.
5.3	Naalakkersuisut Siulittaasuata Naalakkersuisoqarfia	Apeqquserneqarpoq piniartutut kulturi immikkuullarissaq suna 1945-p kingorna pineqarnerseq.	Siunnersuummi allannguissamut pissutissaqartitsinngilaq, kisiannili siunnersuummut oqaaseqaatini itisilersuisoqassaaq.
6.1	Kommune Kujalleq	Kujataani kommunit katersugaasiviisa Nunatta Katersugaasivianit Allagaateqarfianillu kissaataasoq taparserpaat, §§ 33-p annertusineqarnissaanik siunnersuutigineqartut imm. 4 aamma 5 eqqarsaatigalugit, taamalu inunnit pilersitat kalaallinit aallaavillit Nunami Allanngutsaaliukkamiittut aamma tak. siunnersuut, aamma allanit sumiiffinnit immikkut pineqartunit Kalaallit Nunaanniit anniseqqusaannginnissaat, Nunatta Katersugaasivianit Allagaateqarfianillu akuersissuteqanngitsumik.	Siunnersuummi allannguissamut tunngavissiiinngilaq.
6.2	Kommune Kujalleq	Katersugaasiviillu aamma taparserpaat pissutsit § 38-imi siunnersuutigineqartut pineqaatissiisarnernut tunngatillugu iluarsisuteqarfigineqarnissaat. Kulturimut sunngiffimmilu sammisassaqartitsinermut ataatsimiititaliap katersugaasiviit oqaaseqaataat taparserpaat.	Siunnersuummi allannguissamut tunngavissiiinngilaq.
7.1	KANUKOKA	KANUKOKA taamaallaat oqaaseqarfigissavaa siunnersuummi § 1, nr. 2,	Siunnersuummi allannguissamut

		<p>taamatut oqaasertaqarluni nalornisitsisinnaasoq aalajangersakkap atortinneqarsinnaanerata qanoq siammasitsigineranik.</p> <p>Taamaasilluni siunnersuummut nalinginnaasumik oqaaseqaatini ersippoq imm. 1.1-imi, allannguinermi siunertaasoq tigussaasut pineqartut nunami allanngutsaaliukkamiiginnartarnissaat piniartuunermut kulturimut tunngasinnaasut, 1945-p kingorna ingerlanneqarsimasumi.</p> <p>Inatsisilli oqaasertaasa aalajangiuppaat inunnit pilersitat suulluunniit tamarmik nunami allanngutsaaliukkamiittut, kalaallinillu aallaaveqartut qanoq nutaanngitsigineri apeqqutaatinnagu anniseqqusaanngitsut akuersissutitaqanngitsumik.</p> <p>KANUKOKA-p taamaattumik siunnersuutigaa § 33, imm. 4 aamma 5 ersarissarneqassasut imaalillugit ersittunngorlugu inatsisip nammineq oqaasertaani pineqartut tigussaasut kulturikkut oqaluttuarisaanermi naleqartutut isigineqartut.</p>	<p>tunngavissiiingilaq.</p> <p>Katersugaasiveqarneq pillugu Inatsisartut inatsisaat nr. 8, ulloq 3. juni 2015-imeersumi § 33, imm. 1-imi aalajangiivoq inuit pilersitaat tigussaasut kalaallinillu aallaaveqartut 1945 sioqqullugu pinngortitaasut, aamma tigussaasut § 26 tunngavigalugu immikkut naleqartutut nalunaarsugaasut nunatsinniit anniseqqusaanngitsut, Nunatta Katersugaasivia Allagaateqarfialu akuersiseqqaarnagu.</p> <p>Inunnit pilersitanik kalaallinit aallaavilinnik 1945-lu sioqqullugu pinngortitaasunik annissisinnaaneq inatsisini atuuttuni aqunneqareermat, siunnersuummi § 1, nr. 2-p qularnaarppaa tigussaasut Nunami Allanngutsaaliugaasumi Bios-færeqarfiusumilu Nunatta Avannaarsuani Kangianilu pigiinnarneqarsinnaaneri, qanorlu nutaanngitsigineri apeqqutaatinnagit.</p> <p>Siunnersuummi oqaaseqaatini aamma ersippoq § 1, nr. 2-mut atatillugu aalajangersagaq siuner-</p>
--	--	--	---

			<p>taasut naapertorlugit atuarneqassasoq, taamaatumillu inunniit pilersitat kulturikkut kingornussanut attuumassuseqanngitsut isumaqaratillu aalajangersakkami ilaanngitsut.</p>
8.1	<p>Nunatta Katersugaasivia Allagaateqarfialu</p>	<p>Kulturikkut kingornussanik tigussaasunik suliaqarnermut malittarisassanik ataatsimut sakkortunerulersitsineq isiginiarlugu, taamalu tunuliaqutaasoq sakkortunerulersitsineq suliarineqartoq Nunamut Allanngutsaaliukkamut nalunaarut allanngortinneqartussaammat, - Nunatta Katersugaasiviata Allagaateqarfiatalu akornutissaqartinngilaa Nunatta Avannaarsuaniit Kangianiillu kulturikkut oqaluttuarisaanermut tigussasunik annissisinnaanermut aalajangersakkanik sukaterineq.</p>	<p>Siunnersuummi allannguinnissamut tunngavissiiingilaq.</p>
8.2	<p>Nunatta Katersugaasivia Allagaateqarfialu</p>	<p>Nunatta Katersugaasiviata Allagaateqarfiatalu imaluunniit Naalakkersuisoqarfiup taaguummik Nunatta Avannaarsuani Kangianilu nunamik allanngutsaaliukkamut atatillugu miloriussisuunngillat. Taamaasilluta sikkisaanngitsumik pilersitsivugut, Naalakkersuisoqarfik alla taaguummik Nuna Allanngutsaaliugaq atorunnaarsitsisinnaammat, tamaalu toqqaannanngitsumik sunniuteqarfigalugu sumiiffiup kulturikkut oqaluttuarisaanermut attuumassuteqartup aqunneqarnerata qularnaarneqarnissaa. § 33 imm. 5-imi imaassinnaavoq tamanna aaqqiissutissaqartinneqartoq,</p>	<p>Siunnersuummi allannguinnissamut tunngavissiiingilaq.</p> <p>Taaguummik allamik atuinerup sumiiffiup kulturikkut oqaluttuarisaanermut atatillugu qularnaarivigineqarnissaa sunniuteqarfigissanngilaa.</p> <p>Ilanngullugu takuuk imm. 5.1-imut oqaaseqaat.</p>

		kisiannili aqqissuussineq eqqortuunersoq nalorninarpoq.	
8.3	Nunatta Katersugaasivia Allagaateqarfialu	<p>Immikkuualuttoq oqaaseqarfigereersimasassaagu- naraluartoq siusinnerusukkut tusarniaasoqalinnginneranili, tassaavoq kulturikkut oqaluttuarisaanermut tunngasut aamma pinngortitap oqaluttuarisaaneranut tunngasumik tigussaasut:</p> <p>§ 24: pineqarput kulturikkut oqaluttuarisaanermit nassaat (naqqut allallu.) § 25 pineqarput pinngortitami oqaluttuassanit nassaat (dinosaurit ujarannguunnikut allallu).</p> <p>§ 26: tassani eqqaaneqarput § 24 aamma § 25, kisiannili oqaasertaa taamaallaat kulturikkut oqaluttuarisaanermut tunngasunik nassaanut tunngavoq.</p> <p>§ 33: tassani aamma puigorneqarput pinngortitap pilersitai itsarnitsat, naak § 26-imut innersuussisoqaraluartoq.</p> <p>Soorluuna § 25 ikkunneqarsimasoq, malitseqartinnagulu naqqiinanilu § 26- imi aamma § 33-imi.</p> <p>Nunatta Katersugaasiviani Allagaateqarfianilu tigussaasunik sulianik ingerlatsisarsimavugut, apeqquteqarfigineqartarluta pinngortitap oqaluttuassartaaniit nassaanut tunngasunik anninneqarsinnaanersut pillugit Nunatta Avannaarsuaniit, - taamaattuni pisuni ajornartorsiutigisarsimavarput</p>	<p>Siunnersuummi allannguinnissamut tunngavissiivoq.</p> <p>Erseqqissaataasumik ilanngussisoqarnikuuvoq Katersugaasiveqarneq pillugu Inatsisartut inatsisaanni nr. 8, ulloq 3. juni 2015-imeersumi §§- ini 12, imm. 2, 26 aamma 30-imi, taamaasillunilu pinngortitap oqaluttuarisaanerani nassaat maanna aalajangersakkani immikkuullarissumik taaneqarlutik.</p> <p>Erseqqissaataasup kingunerisaanik kulturikkut aamma pinngortitami itsarnitsat sinneruttut aamma tigussaasut immikkut nalunaarsukkat, tak. § 26, ilanngunneqarsinnaapput tigussaasunut Danmarkimut nunanulluunniit allanut aallarunneqarnikunut.</p> <p>Tamatuma kingunerisaanik tigussaasut kalaallit pinngortitamik oqaluttu- arisaanerannik pingaarutilinnik ersersitsisut, immikkullu nalunaarsugaasut immikkut naleqarluartutut</p>

		inatsisitigut tunngavissamik nassaarniartarnerput.	aamma § 33-imi ilaapput. Erseqqissaataasullu kingunerisaanik aamma ajornassaaq NKA-mit akuersissutitaqanngitsumik pinngortitap oqaluttuarisaaneranut tunngassutillit tigussaasut Nunamit allanngutsaaliugaasumit, Biosfære-qarfiusumillu Nunatta Avannaarsuani Kangianilu inissisimasumiit anninnissaat, taakkua immikkut naleqartutut nalunaarsorneqarsimap-pata.
--	--	--	---

Tusarniaaneriit aappaat

Nr.	Tusarniaavigi-neqartoq	Oqaaseqaatit	Oqaaseqaatit oqaase-qarfigineqarneri
1.	Naalackersuisut Siulittaasuata Naalackersuisoqarfia	Siunnersuut pillugu oqaaseqaateqartoqanngilaq.	Siunnersuummi allannguinermik nassataqanngilaq.
2.	Isumaginninnermut Inatsisinillu Atuutsitsinnermut Naalackersuisoqarfik	Siunnersuut pillugu oqaaseqaateqartoqanngilaq.	Siunnersuummi allannguinermik nassataqanngilaq.
3.	Biskoppeqarfik	Siunnersuut pillugu oqaaseqaateqartoqanngilaq.	Siunnersuummi allannguinermik nassataqanngilaq.
4.	Peqqissutsimut Ilisimatusarnermullu Naalackersuisoqarfik	Siunnersuut pillugu oqaaseqaateqartoqanngilaq.	Siunnersuummi allannguinermik nassataqanngilaq.

5.	Aningaasaqarnermut Naalackersuisoqarfik	<p>Aningaasaqarnermut Naalackersuisoqarfiup maluginiarpaa, katersugaasiveqarnermut ataatsimiititaliami ilaasortat akissarsiaqartinneqartarnissaat § 20 c-tut eqqunniarneqartoq, oqaaseqaatini tassaanerarneqarmat ” ... pissusioereersunik inatsisinnngortitsineq”. Tamanna tunuliaqutaralugu Aningaasaqarnermut Naalackersuisoqarfik isumaqarpoq akissarsiaqartitsineq aningaasaliissutaareersut iluannit aningaasalersorneqassasoq.</p> <p>Tamatuma saniatigut Aningaasaqarnermut Naalackersuisoqarfik katersugaasiveqarneq pillugu Inatsisartut inatsisaannik allannngortitsineq pillugu allanik oqaaseqaateqanngilaq.</p>	<p>Siunnersuummi allannguineramik nassataqanngilaq.</p> <p>Katersugaasiveqarnermi Ataatsimiititaliamut ilaasortaannik akissarsiaqartitsineq aningaasaliissutit pioreersut iluannit aningaasalersorneqassaaq.</p>
6.	KNAPK	Siunnersuut pillugu oqaaseqaateqartoqanngilaq.	Siunnersuummi allannguineramik nassataqanngilaq.
7.1	Kommune Kujalleq	<p>Kommune Kujalliup naammagisimaarpaa kommunit katersugaasiveqarnermut ataatsimiititaliami oqartussaaqataajuarnissaat Naalackersuisut qularnaarumammassuk.</p> <p>Kommunip aammattaaq inatsimmi allannguutissatut siunnersuutit sinneri ilalerpai.</p>	Siunnersuummi allannguineramik nassataqanngilaq.
7.2		Kommune Kujalleq isumaqarpoq, inatsimmi ersittariaqartoq, kommunit siulersuisunut ilaasortassamik isumaqatigiillutik inassuteqarpata, inassuteqaat Naalackersuisut	Aallaqqaasiullugu oqaatigineqassaaq innersuussineq aamma inassuteqarneq inatsisit malillugit assigiimmata,

		<p>pinngitsooratic maleruartariaqaraat. Tamanna aamma kommunit arlalinnik inassuteqaateqarsimatillugit, Naalakkersuisut inassutigineqartut akornannit toqqaanissaminut pisussaaffeqarnerata pissusissamisuuginnartumik malitsigissavaa.</p> <p>Aammattaaq Kommune Kujalleq isumaqarpoq siunertamut naapertuuttuussasoq, Naalakkersuisut kommunit siulersuisunut ilaasortaaitassaannik qanoq toqqaasarnissaat malittarisassiuunneqarpat, kommuniniit arlalinnik inassuteqaateqartoqartillugu. Taamaalilluni Kommune Kujalliup pingaartippaa assersuutigalugu sumi najugaqarnerup, tamatumunnga ilanngullugu pineqartup illoqarfimmi pingaarnermi najugaqarnera, toqqaanermi kisimi isiginiarneqannginnissaa, toqqaanerli pisassasoq suliamut kia piukkunnarnerpaaneraniq naliliineq tunngavigalugu.</p>	<p>taamatullu iluseqarlutik tigusisussamik inatsisitigut pisussaaffiliinngimmata.</p> <p>Aammattaaq siunnersuummi § 1, nr. 2-mi § 20, imm. 2 nr. 4-p oqaasertaasigut ersippoq, inassuteqaateqartarnek qulaani pineqartoq sanioqqunneqareersoq, tassami aalajangersakkami erseqqissumik taaneqarpoq, inassuteqarsinnaatitaasut ilaasortassaq aalajangersimasoq inassutigippassuk, Naalakkersuisut pisussaaffigigaat ilaasortassamik toqqaanissaq.</p> <p>Aammattaaq ersippoq isumaqatigiinngittoqartillugu Naalakkersuisut aamma pisussaaffeqartut, tassami taama pisoqartillugu Naalakkersuisut toqqaasinnaapput inassutigineqartut akornanni. Tamatumunnga atatillugu Naalakkersuisut ataatsimut nalileereernerikkut piukkunnarnerpaaq toqqassavaat.</p>
--	--	--	---

7.3		<p>Kommune Kujalleq isumaqarpoq imm. 4-tut siunnersuutigineqartoq siunertamut</p> <p>naapertuuppallaanngitsoq: Tassami naligiissitaanissamik inatsimmi § 8, imm. 2 oqaaseqaatinut sannilliukkaanni ersippoq, “immikkut ittumik ilisimasaqarnissamik piumasaaqatip pissusiviusutigut nalilersoreerneratigut, suaassutsit naligiimmik agguaassimanissaat pisinnaanngivikkaangat, imaluunniit oqartussat, suliffeqarfik piginneqatigiiffilluunniit, il.il. arnanit angutinillu sinniisuutitaqarnissamut periarfissaqanngikkaangat,” arnamik angummillu inassuteqarnissamik piumasaaqat sanioqqunneqarsinnaasoq.</p> <p>Kommunimi Kujallermi paasinneq naapertorlugu taamatorpiaq pisoqassaaq, § 20 a-tut nutaatut siunnersuut naapertorlugu. Tulliullugu arlalitsigut ajornartorsiutaasassaaq kommuniniit angutinik arnanillu inassuteqartarnissaq, kommunit akunnerminni isumaqatigiissinnaatinnagit, assersuutigalugulu kommunit ilaasa angutit inassutigippatigit allallu arnat inassutigalugit. Naligiissitaanissamik inatsimmi § 8, imm. 1-imut innersuussineq taamaakkaluartoq attatiinnarniarneqarpat, tamanna kommunit ataatsimiititaliami ilaasortaataannut atuuttariaqanngilaq. Aammattaaq imm. 4-tut allannerluttoqarsimarpasissimavoq, imm. 1 innersuunneqarmat, tamannali isumasineq ajornarluni.</p>	<p>Oqaaseqaat siunnersuummi § 1, nr. 2-mi naqqiummik kinguneqarpoq, Taamaalillunilu § 20, imm. 4-mi innersuussineq allanngortinneqarpoq imm. 2-mut innersuussininngorlugu.</p> <p>Naligiissitaanissamik inatsimmi § 8, imm. 2-mi aalajangersarneqarpoq: ”Oqartussaasut, kattuffiit il.il. imm. 1-imi aalajangersakkamik avaqutsisinnaapput, immikkut ittunik pissutissaqarunik, taamaattoqarpallu pissutaasoq tunngavilersorluugaasoq Naalakkersuisunut nassuiaatigissallugu”. Tamatuma kinguneraa kommuni toqqagassanik marlunik – arnamik angummillu - taamaallaat inassuteqanngitsoorsinnaammat , kommuni isumaqarpat tamanna tunngavilersorsinnaasumik pissutissaqartoq.</p> <p>Naligiissitaanissamik inatsimmi § 8, imm. 3 naapertorlugu, Naalakkersuisut inassuteqaammik atuinngitsoorsinnaapput, Naalakkersuisut arnamik angummillu inassuteqaateqannginnissamut tunngavilersuutit akuerineqarsinnaasutut isiginngikkunikkit.</p> <p>Tamanna tunuliaqutaralugu Naalakkersuisut isumaqarput naligiissitaanissamik inatsisip</p>
-----	--	---	---

			malittarisasaasa siunnersuummi sanioqqunnissaat siunertamut naapertuutinngitsut.
7.4		Kommune Kujalliup naammagisimaarpaa nr. 7-imut oqaaseqaatini (§ 33-mi allannguutit) erseqqissarneqarmat, aalajangersagaq inatsisip siunertaa naapertorlugu nassuiarneqassasoq.	Siunnersuummi allannguinermik nassataqanngilaq.
7.5		§ 2, imm. 2-tut siunnersuummut (atuutilerneranik aalajangersakkat) tunngatillugu Kommune Kujalliup siunertamut naapertuuttut isigaa erseqqissarneqarpat, soorlu inatsisissatut siunersuummut oqaaseqaatini, kommunit maanna	Oqaaseqaat erseqqissaanermik kinguneqarpoq, siunnersuummi § 2-mut oqaaseqaatini erseqqissarneqarmat, katersugaasiveqarnermut ataatsimiititaliap maanna atuuttup atuuffia

		ataatsimiititaliami ilaasortatitarisaat ingerlaannassasoq, nutaamik toqqaasoqarnissaata tungaanut, KANUKOKA atorunnaaraluarpalluunniit.	allanngortinneqassanngitsoq, taamaalilluni tamanna ilaasortanut tamanut atuuttoq aammattaaq ilaasortamut KANUKOKA -mit toqqaagaasumut atatillugu.
--	--	--	---

Siunnersuummi immikkoortunut ataasiakkaanut oqaaseqaatit

§ 1-imut

Nr. 1-imut.

Ilanngussisoqarpoq aalajangersakkamik erseqqissaataasumik, aalajangersakkami pineqarmata pinngortitami kulturikkut itsarnitsat sinneruttut, pinngortitami itsarnitsat sinneruttut aamma tigussaasut allat, § 26 naapertorlugu immikkut naleqartutut nalunaarsugaasut.

Nr. 2-mut.

Imm. 1-imi aalajangersarneqarpoq Katersugaasiveqarnermut Ataatsimiititaliaq arlaannaannulluunniit atasuunngitsoq. Taanna tassaavoq erseqqissaat. Arlaannaannulluunniit atasuunnginneq erseqqinnerulersinneqarpoq oqaaseqatigiit aappaanni, tassani aalajangerneqarmat Katersugaasiveqarnermut Ataatsimiititaliaq piginnaatitaanera tamakkiisumik imaluunniit ilaannakuusumik allanut tunniunneqarsinnaanngitsoq. Aalajangersagarlu ilutigisaanik tunngaveqarpoq kissaateqarnermik qularnaarinissamik, ataatsimiititaliaq kisimi ilisimasatigut piginnaasat ataatsimiititaliami pigineqartut atorlugit suliassanik isumaginnittuusinnaasoq.

Imm. 2-mi ilaasortat amerlassusissaat aalajangersarneqarpoq, aamma qanoq ilaasortat toqarneqartassanersut. Maannamutut Katersugaasiveqarnermut Ataatsimiititaliaq 5-inik ilaasortaqarpoq. Nutaatut aalajangersarneqarpoq Naalakkersuisut taakkuusut piginnaatitaasut ilaasortassanik toqqaasarnermut, Inatsisartut inatsisaanni pineqartut ingerlatsiviit kattuffiillu inassuteqareernerisigut.

Inassuteqarsinnaatitaasut siornatigut inassuteqarsinnaatitaasut assigaat, eqqaassanngikkaanni § 20, imm. 1, nr. 4.

Ilanngussineq “Kommunit ataatsimoorlutik” § 20, imm. 1, nr. 4-mi qularnaarivoq suli kommunit tamarmik toqqaaniartarnerni akulerunneqartarnissaannik. Kommuninut pisussaaffiussaaq inassuteqaasiornissap ataqatigiissaarnissaa.

Imm. 3-mi piumasarineqarpoq, kattuffiit il.il. inassuteqarsinnaatitaasut tamarmik immikkut toqqagassanik 2-nik inassuteqaateqassasut. Aalajangersagaq isiginiarneqassaaq, Katersugaasiveqarnermut Ataatsimiititaliami ilaasortassanik inassuteqaateqarnej toqqaanerlu Angutit arnallu naligiissitaanissaat pillugu Inatsisartut inatsisaanni nr. 3, 29. november 2013-meersumi aalajangersakkat naapertorlugit pisussaanerannut naleqqiullugu. Taamaalilluni kattuffiit il.il. inassuteqarsinnaatitaasut tamarmik immikkut angummik 1-imik arnamillu 1-imik inassuteqaateqassapput.

Aalajangersakkami imm. 3 ikkunneqarpoq erseqqissarumallugu qanoq toqqaasarneq pisassanersoq, kommunit akornanni isumaqatigiittoqanngippat, kina inassutigineqassanersoq pillugu.

Kiisalu sinniisussanik toqqaasinnaanermut periarfissaq aalajangersakkamiit peerneqarpoq.

Nr. 3-mut.

§ 20 a, imm. 1-imi aalajangersakkami oqaatigineqarput piginnaasatigut piumasaqaataasut, ataatsimut Katersugaasiveqarnermut Ataatsimiititaliamut atuuttut. Tamannalu isumaqarpoq naatsorsuutigineqanngitsoq ilaasortat tamarmik ataasiakkaarlutik piginnaasat aalajangersakkami pineqartut tamaasa pigisassagaat.

Najugaqartuunissamik piumasaqaammi kissaatigineqarpoq nunatsinni kisarsimaffeqartumik nammineq ingerlatsisoqarnissaa.

Imm. 2-mi aalajangersagaq tunngavigalugu Naalakkersuisut toqqaasarnerminni qularnaartassavaat toqqarneqartut pissutsinut assigiinngitsunut siunnersuummi § 20 a, imm. 1-imi eqqaanartunut arlaliusinnaasunut ilisimasaqartuusarnissaat, taamaasillutillu Katersugaasiveqarnermut Ataatsimiititaliami ataatsimut ilisimasaqarfigineqartussatut piumasarineqartut naammassineqartillugit.

Imm. 3-mi aalajangersagaq malittarisassanik pioreersunik ingerlatitseqqinneruvoq. Pissusissamisoortinneqarpoq Katersugaasiveqarnermut Ataatsimiititaliap nammineq nalilertassagaa kikkut siulittaasuusussatut aammalu kina siulittaasumut tulliusussatut piukkunnarnerunersut.

Imm. 4-mi aalajangersagaq malittarisassanik pioreersunik ingerlatitseqqinneruvoq. Ataatsimiititaliaq ataatsimut ilisimasaqatigiit suleqatigiiffigaat, taamaattumillu pissusissamisoortinneqarluni ataatsimiititaliap nammineq suleriaasissani aamma qanoq akulikitsigisumik ataatsimiittarnissani aalajangersartassappagit.

§ 20 b-mi aalajangersakkami nalunaarneqarpoq Katersugaasiveqarnermut Ataatsimiititaliap piffissaq atuuffigisassaa, aalajangersarneqartoq qularnaarumallugu katersugaasiveqarnermut ataatsimiititaliap sulinerata ataqatigiissumik ingerlanneqarnissaa. Taassumalu assigaa

katersugaasiveqarnermut inatsimmi § 20, imm. 2 oqaaseqatigiit siulliit. Erseqqissarneqarpoq ataatsimiititaliaq qaqugu siullermeerluni pinersinneqartussaansoq. Tamannalu aaqissuussaalluni maanna piffissap atuuffiusup naanissaanut naapertuuttunngorlugu.

Imm. 2-mi aalajangersagaq periarfissiivoq ilaasortamik toqqaqqissinnaanermut atatillugu isiginiarneqassasoq ataqatigiissitsisoqarnissaa, aammalu ilisimasanik piginnaasatigut pitsaanerpaamik Katersugaasiveqarnermut Ataatsimiititaliap inissisimanissaa. Aalajangersagaq katersugaasiveqarnermut inatsimmi § 20, imm. 2 oqaaseqatigiit aappaannik ingerlatitseqqinneruvoq.

Imm. 3-mi aalajangersagaq siunertaqarpoq qularnaarinissamik ataatsimiititaliap tamatigut tamarmiusarnissaanik. Nutaamik ilaasortassamik toqqaasoqarnissaa pisarsinnaavoq tunuliaqutaralugit inassuteqaatit ilaasortanngortumik toqqaasimanermi tunngaviusimasut. Naalackersuisullu tamanna pissusissamisoortinneqarpat imaluunniit pisariaqartinneqarpat ataatsimiititaliap suaassutitsigut naligiissumik inissisimanissaanut kattuffiit allallu inassuteqartuusimasut nunaanik inassuteqarnissaannik qinnuigisinnaavaat.

Oqaaseqatigiit aappaat imm. 3-mi siunertaqarput qularnaarinissamik ataatsimiititaliap piginnaanernik inatsimmi allaaserineqartunik peqartuaannarnissaanik, aammalu ilaasortap nutaap nammineq piginnaanermik arlaqartunilluunniit ataatsimiititaliap ataatsimut pigisassaanik piginnaaneqarnissaanik.

Oqaaseqatigiit kingulliit siunertaqarput qularnaarneqassasoq qaqugukkulluunniit ataatsimoortumik ataatsimiititaliami ilaasortassanik toqqaasoqartarnissaa, piffissap ataatsimiititaliap atuuffigisaata naaneranut atatillugu.

Imm. 4-mi aalajangersagaq kinguneqassaaq ilaasortamik, tamatumanilu aamma siulittaasumik soraarsitsineq pisassasoq suliassanik isumaginninnermik tunuliaqutaqartumik, taamalu suliassanik pineqartunik isumaginninneq ima naammaginangitsigilersimappat, pissutsit atuuttut mianersuaalliornerinnartut taaneqarsinnaajunnaarneranni. Aalajangersagarlu taamaasilluni atorneqarsinnaassalluni ilatsiinnarnermik naammaginangitsumik pissuseqartoqarneratigut, peqataanngilluinnarnikkut imaluunniit killeqartumik Katersugaasiveqarnermut Ataatsimiititaliap sulinerani peqataasoqarnerani, imaluunniit takussutissinneqarsinnaappat ilaasortap iliuusai ataatsimiititaliap soqutigisaanut akerliusut.

Oqaasertaliineq “suliassaminik isumaginninnissaminut allatigut piukkunnarunnaarsimappat”, tassani ilaasinnaapput pisut ilaasortap pissusaaffimminik qaangiinerunik kinguneqartut, ilaasortap pissusaaffigisaasa avataaniittunik. Aamma pissutsit Katersugaasiveqarnermut Ataatsimiititaliap sulinerata avataaniittut pissutaasinnaapput ilaasortap tunuartinneqarneranut. Assersuutigalugulu tassaasinnaapput pinerluuteqarsimaneq, pissutsit atuuttut kingunerisaannik pineqartup Katersugaasiveqarnermut Ataatsimiititaliami ilaasortaanermini inuiaqatigiinnut atatillugu tatigineqarunnaarfigisai.

Nalunaarneqareersut saniatigut ilaasortaq aamma tunuartinneqarsinnaassaaq ilaasortap suliassamut naleqqutinnginneranik tunngaveqartumik, pineqartup iliuutsimigut imaluunniit iliuuseqannginnermigut ersarissumik ersersissimappagu piumassuseqarani imaluunniit piginnaaneqarani Katersugaasiveqarnermut Ataatsimiititaliap soqutigisaani suleqataanissamut.

§ 20 c aqqutigalugu pissusissamisoortinneqarsimavoq erseqqissassallugu ilaasortat aningaasarsiaqartitsisarnermut inatsimmi aalajangersakkat naapertorlugit akissarsiaqartinneqartussaasut.

Nr. 4-mut.

Ilanngussisoqarpoq aalajangersakkamik erseqqissaataasumik, aalajangersakkami pineqarmata tigussaasut kalaallit pinngortitami oqaluttuarisaaneranni pingaaruteqartunik ersersitsisut.

Taamaasillunilu siunertaasimangilaq pinngortitami oqaluttuarisaanermi tigussaasut aalajangersakkami ilaannginnissaat.

Nr. 5-imut.

Ilanngussisoqarpoq aalajangersakkamik erseqqissaataasumik, aalajangersakkami aamma pineqarmata pinngortitami nassaat qaqutigootut pinngortitap oqaluttuassartaanut tunngatillugu naleqartut.

Nr. 6-imut.

Pissusissamisoortinneqarsimavoq innersuussinermik ikkussinissaq imm. 4-mi aalajangersakkamut, taanna imm. 1-imik pineqartunut ilaanngimmat.

Nr. 7-imut.

Aalajangersakkami imm. 4 ikkunneqarpoq isiginiarlugu kulturikkut kingornussat inunnit suliat kalaallinit aallaavillit Nunami Allanngutsaaliugaasumiittut, Biosfære-qarfiusumi Avannaarsuani Kangianilu. Aalajangersakkakut qularnaarneqarpoq inatsisitigut tunngavissat ersarissut.

Aalajangersakkami Kalaallit Nunaata avannaarsuani kangianilu Nuna allanngutsaaliugassatut immikkoortitaq pillugu Namminersornerullutik Oqartussat nalunaarutaanni nr. 7, 17. juni 1992-imeersumi § 18-imik ingerlatitseqqittoqarpoq. Aalajangersakkakut qularnaarneqarpoq inatsisiliornikkut ersarissunik tunngavissanik pilersitsineq.

Aalajangersakkap imm. 1-imi aalajangersagaq pingaarneq annertusivaa, taamalu Nunatta Katersugaasivia Allagaateqarfialu periarfissaqalersillugu akornusiisinaanermik nakkutigineqanngitsumik inuit pilersitaannik kalaallinit aallaavilinnik Nunamit Allanngutsaaliukkamiit, Biosfære-qarfiusumiit Nunatta Avannaarsuani Kangianiillu

annissuisoqarsinnaanera, akuersissuteqartarnermi tigussaasut pineqartut qanoq nutaangitsigisinnaanerinut attuumassuteqarunnaarmat. Aalajangiineq pineqartumik tigussaasumik immikkuullarissumik naliliinermik tunngavilimmik pisassaaq. Aalajangersagaq paasineqassaaq siunertaminut naapertuuttumik, taamaattumillu inuit pilersitaat tigussaasut qularutissaanngitsumik kulturikkut kingornussanut attuumassuteqanngitsut ilaangillat. Taakkua assersuutigalugu tassaasinnaapput tigussaasut Nunamit Allanngutsaaliukkamit, Biosfære-qarfiusumit Nunatta Avannaarsuani Kangianilu tikeraat namminneq pilersissimasaat imaluunniit tigussaasut nunami allanngutsaaliukkami inuussutissarsiutinik ingerlatsinikkut pilersimasut.

Imm. 5-imi aalajangersagaq ikkunneqarpoq imm. 4-misulli inuit pilersitaannik tigussaasunik illersuinerup assinganik pilersitsiumalluni, sumiiffinni tamatumunnga pisariaqartitsiviusuni, illersuinerup sakkortunerulersinnissaa kissaatigineqarmat, nalinginnaasumik illersuinermut aalajangersagaareersut saniatigut.

Assersuutigalugu pineqarsinnaapput sumiiffiit nunaqarfikunik ilallit imaluunniit nioqutissiorfeqarfiunikut niuerniarfiusarnikulluunniit.

Oqaasertaliussani allaqqavoq “Nunamit allanngutsaaliukkatut aalajangiussaasumi, Nunatta Avannaarsuani Kangianilu Biosfære-qarfiusumiit” erseqqissarniarlugu tamatumani pineqarmata tigussaasut nunap immikkoortuinit taaneqartunit pinngooqqaarfeqartut. Taamaalilluni apequtaanngilaq pineqartoq nunamit anninneqarnialernerme nalaani nunap immikkoortuisa taaneqartut avataanniinnersoq, taamaallaat apequtaavoq pileqqaarfimmigut nunap immikkoortuinit taaneqartuneernersoq.

Imm. 4-mi aamma imm. 5-imi pineqartut tassatuaapput inunnit pilersitat. Tamatumunnga pissutaavoq imm. 1-imi malittarisassaq pingaarneq malillugu nassaat suut nunamiit annissigaanni akuersissuteqarfiusariaqartut kisimik pisoqaassutsimikkut killiligaanerat.

§ 33-p atuuffia nalinginnaasumik taamaallaat atuuppoq tigussaasunut Namminersorlutik Oqartussanit pigineqanngitsunut. Taamaalilluni Namminersorlutik Oqartussat pigisaat, tamannaanaq pissutigalugu, allanit anninneqarsinnaanngillat. Namminersorlutik Oqartussat pigisaat tassaapput nunatsinni kulturikkut eriagisassat imaluunniit nunatsinni eriagisassat pinngortitameersut. Tamanna katersugaasiveqarneq pillugu inatsimmi § 27, imm. 1-imi ersippoq.

Taamaalilluni eriagisassat pinngortitameersut nunamiit anninneqarnissaminnut illersugaassapput, nunatsinni eriagisassat tamatumani pineqarpata. Katersugaasiveqarneq pillugu inatsimmi § 25, imm. 1 naapertorlugu taakkununnga ilaapput naasut uumasulluunniit ujaranngorsimasut ujaranngulersulluunniit, imaluunniit suna nunap sananeqaataanit pinngortoq ilisimatuussutsikkullu soqutiginaateqarluinnartoq imaluunniit saqqummersissallugu soqutiginaateqartoq. § 25, imm. 2 naapertorlugu tamatumunnga aammattaq ilaapput nassaat imartap killeqarfiata iluaniittut tassaniissimasulluunniit.

§ 33, imm. 1-imi malittarisassaq pingaarneq naapertorlugu aammattaaq nassaat § 26 naapertorlugu immikkut naleqartutut nalunaarsorneqarsimasut, Nunatta Katersugaasivianit Allagaateqarfianillu akuersissummik peqqaartigani anninneqarsinnaanngillat. Nassaat immikkut naleqartut tassaasinnaapput Kalaallit Nunaata kulturikkut oqaluttuassartaanik pingaarutilinnik ersersitsisut aamma Kalaallit Nunaanni pinngortitap oqaluttuassartaanik pingaarutilimmik ersersitsisut. Aammattaaq tunngaviatigut § 33, imm. 1 atuuppoq nunap immikkoortuinut imm. 4-mi immikkut malittarisassiunneqartunut, taamatuttaarlu imm. 5 atuussinnaalluni. Taamaammat § 33, imm. 4 aamma 5 paasineqassapput tassaasut imm. 1-imi pingaarnertut malittarisassamut tapertaliussat.

Nr. 8-mut.

§ 33, imm. 1 ilanngunneqarpoq imaasillugu tamatuma unioqqutinneqarneratigut akiliisitsissummik pineqaatissiisoqarsinnaanngorlugu. Kiisalu aamma imm. 3-mi erseqqissarneqarpoq peqqussutit § 10, imm. 3, § 31 aamma § 35, imm. 5 naapertorlugit suliaasut tunngavigalugit aamma akiliisitsisoqarsinnaasoq, imm. 4-milu pineqaatissiisutitut akiliisitsissutaasoq inatsisit naapertorlugit inummut akiligassanngortinneqarsinnaasoq.

§ 2-mut

Piffissaq atortuulersitsiviususaaq 1. januar 2019 aalajangersarneqarpoq siunnerfigalugu siunnersuut atortuulersinneqassasoq Inatsisartut 2018-imi ukiakkut ataatsimiinnerata kingornatigut.

Atortuulersitsivissaaq ulloq imm. 2-mi, § 1, nr. 2 aamma 3-mut aalajangiunneqarpoq 1. januar 2020-iussasoq, siunnerfigalugu aalajangersakkat taakkua atuutissasut Katersugaasiveqarnermut Ataatsimiititaliami ilaasortassanik toqqaanissamut. Ataatsimiititaliap piffissaq qinigaaffigisaa naassaaq 31. december 2019.